

大清光緒十三年

本館新聞除禮拜外日出一張
本館外埠均可函致本館取
閱如外埠閱報加寄費不
也除日報照常刊送外復不
惜工本從英國採辦新書裁
刊印書單件並有英各國
體活字及各式花邊等延有
西人操印工藝甚精所有中
西文字均能刊印並有石印
印字大小機器均用精工

第一千八百六十六號

申報

本館開辦在英大馬路門牌五十五號

印工總絕倫並延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有益
世道人心者附登否亦須無
礙於人而後始錄其有謬誤
成文以及支離費解者概不
登報嗣後諸君來札尚祈
自諒更須寫實里而後敢
登但來稿登與不登均不能
將原稿收回也 本館謹白

丁亥十月廿一日

凡刊報者每月報費一元每日售錢五仙(大英一千八百八十七年十二月五號禮拜一)凡刊印告白第一日每一字一仙第二日以下每字半仙

精緻華英月份牌出售 ○敬啟者戊子歲之月份牌現經印就即在本館發售不惟畫工之工紙墨之美而且較對無誤印刷玲瓏蓋是歲本館再為加工精心構撰故款式甚多無論白紙蠟紙色紙與夫描金繪色無不備有以憑 諸君選擇且價甚相宜 諸君光顧者請早 惠臨選購為盼 本館謹啟

新印電報冊出售 ○啟者茲本館新有印出電報卷冊概用上等西紙以英字排列而成冊內各篇其字形號數均有不同最便商場之用若自行定印則工價甚昂茲本館因自用之故增印若干本以售於人是以取價甚廉 諸君有欲購買者請即 移玉惠臨因所存冊多遲則恐有不及也 本館告白

戒烟芻言

夫鴉片鴉片其質雖殊其毒一也設有以鴉片與人服而遭之者必報切齒之仇烟之無分客土而藥皆害人然人皆知其為害服生膏而速死調治而傷身此彰明較著者也奚堪明知故犯一入其彀失業廢時貪食癮深鳩形鵠面何竟以萬金之謂願被毒物所驅此所不解者一也有云烟可療病人受其愚者居多須知治病之藥石悉周豈以毒物治之而能事哉即見效無非小恙倘遇沈痾脫癰遽可歸陰症受牽制難醫因而殞命且更凶險可怕者無拘人畜虫血些小入烟中吸之立斃可謂冤哉胡勿思此所不解者二也有言烟可解悶世間之樂事煩繁何必以如豆一燈橫伴床席阿腐腸之惡氣耗有限之精神奢儉反常寢食顛倒何鬱可散愁已不遑此所不解者三也有為房事欠勇借此濟威嘆莫宜淫藉斯過熱料癮旺賜衰欲如先前不勇復曠斯過其可得乎况年輕之人長吸精空難于嗣續承先敬後因此休矣人各具有一天良焉堪以乖僻之行大陷不孝此不解者四也有富室清閑以此消遣公門忙祿以此提神殊不知洋烟大干法紀適及傾家土漿味劣性寒益傷臟腑人之精血譬若燈油久點欠明加草雖亮油乾終滅此一理也與其用罰道而強制莫若進補劑以善調內中損益易不屢籌此所不解者五也有平民與肩挑下等之人驟錢非易亦多作怪效尤以此為樂一朝之食涕淚交流百業懶營自成匪類既不顧父母之養安能管妻子飢寒世之庸碌不肖者何恃不恐乃敢投網速死此所不解者六也有萍水相逢甫作烟友枕畔則體情悉吐比手足親熱幾分盤問則密語盡宣較夫婦殷勤數倍偶然拂意冰炭畢形烟可選情改性如是此所不解者七也有持躬謹飭分文不肯花費者獨于短槍偏喜弄弄東吹西吸討人憎嫌左欠右給被人面斥傍觀其應對進退實屬語乖詎堪以雙親遺體不自愛惜此所不解者八也凡食烟者無不佻倒金如一師教出唔未吸之人必勸吸口何妨第未吸者要知近殊則赤勸我者亦同一口始也又有妄談食不按時不至上癮無如一好則由暫而漸由漸而深才覺前言非謬懊悔已遲何明哲反成下愚此所不解者九也有年久癮重之人雖靡不抱恨前錯然欲少食而應不過每思驟戒恐力難當惟有悉索敝賦供無窮之溝壑坐以待卒拚食餌之殘軀計之愈迷如斯而已有戒而復吸甘殉于此者有常言要戒心口不符者有專為標賭兼學時風者有事忙難吸暗吞烟泡者有錢少癮大憤飲生膏者總因愛食是物致多癮癮不捨之情如果志切心堅一定要戒戒效金蟬脫壳之法緩則自離近多經驗戒烟丸可買服先將身體培補結實漸減力除斷無不可戒之理况以薪嘗夢弱越克滅強吳剛骨奕棋武聖能消臂毒何均不慮及之此所不解者十也即如歸大數而論鴉片流毒日長屢禁則犯者愈眾開禁則肆吃席吹甚至兵變由此而與民困從斯而極無貴無賤向一沈迷此誠氣運使然物極必反數有變通現既承平多時因思天必與人相印天必早轉人心應同故作十不解以示勸若人肯細看息省悟務請未吃者切勿沾口已吃者及早回頭并祈學士仁人倘以是言稍有可取或刪繁補缺或續撰佳章採附良方抄送偏貼以期慷慨有力之士發願刊刷廣佈流傳必使人人咸知長儆作渡津之寶筏開迷途之南針未始非筆下春風助雲培德庶幾時和年稔國泰民安豈不美哉

諭旨恭錄

○十月初一日奉 上諭前據都察院奏河南民人李廷華以知縣違例收漕濫刑斃命等詞赴該衙門呈訴當令邊寶泉研訊嗣據御史張廷燦以洛陽縣知縣王道隆濫加糧額酷刑斃命撫臣規避失查處分恐難澈究隨飭查辦復諭令恩承薛允升確切查訊茲據訊明覆奏此案洛陽縣知縣王

增築加緊之暇未便令其置身事外皆留工効力以觀後效欽此

俄京電報 ○十五日俄京發來電報云俄國相臣慈意也現已上奏乞休業蒙俄廷核准現已定於西歷來春即行解組而金庫之下已定於俄現使德大臣士高普羅付入費總庫其相業云

英德意奧和電報 ○十六日法京發來電報云巴黎之里末日報有謂現德奧意三國與英計議連和同保歐洲大局業將成議其

中有言謂倘德奧有侵欺土耳其之事則英國當派水師戰船在地中海及里文一帶海面以為相助云

中州告貸 ○邇來黃河決口連淹數省多受淹浸之災現在修理河工動需鉅款一時甚難籌手故議開貸欸俾庫支需現聞中國已與香港上海銀行議定借銀一百萬元以充經費此欸乃河南巡撫所借藉以為堵河之用云

王余兩委員來粵 ○王錦堂軍門余元眉都轉去歲奉粵督張香帥委深南來查探各情均經陸續登報現悉王余二君由新金山返粵後近復由香港附航再來叻地於十七日乘經抵叻聞君此來不日即須附航前赴北基娘地方查核情形畢再回叻中轉附輪船前往暹羅

網各都城再由網各附法國輪船前往西貢地方查閱至二君所以前往北基娘之故初本無是志以該處口岸係屬新闢罕有華人戾止故不欲往查該處基娘總督以函相相請王余二君往該處一行其意謂仙那港一舉雖華人向鮮而該處所開之金礦甚多深欲二君親至該處察看情形俾藉以廣招徠之路至於該處欸待華民之政固屬甚寬然或尙恐有未盡周到之處故函請二君往為查核倘其欸待華民之政有未妥之處仍可再為酌改等因二君接其來函情誼拳拳因稟商張香帥故此大特來叻中再附航往北基娘一帶詳加查勘云善乎善督之有是請實深明交涉之道矣荷荷常存此志則地方安惠其不日盛哉

廈災餘耗 ○廈門火藥局失慎情形前經詳報現再接悉續信謂此災係初五日事前言初三日者乃一時之誤報也查該局藏有水

藥地彈及火雷等類甚多是在局內製做藥心者約共四十人變起須臾諸人皆罹於厄計是役被焚者約二百家而倒塌者亦約二百家

共約四百家之多尙有民居二三百家雖未經倒塌然亦岌岌然搖動勢難再住必須重建始可入居翌日惟見腐蝕殘骸紛紛道左在瓦礫

叢中獲同屍身約五十具其中未能覓獲者尙不知其凡幾沿途呼親者嘆子者妻哭其夫者兄覓其弟者哀聲震耳實不忍聞復有游民游勇

等甚多紛至災區挖地以圖所獲並有火藥四五罐已為火熱所逼經其移動因而轟炸傷人之事亦不能免而地方有司於此事並不出為

阻止斯亦奇矣竊聞該局向來製造火器之時諸工等多有在局內吸煙而局中委員亦不為之阻止可見其平日疎虞之甚豈不知火藥之

性甚烈耶來函所言如是與前報所錄亦不過大同小異本館志求詳盡故並錄出不敢嫌其瑣焉

服毒遇救 ○海南人戴某前在東陵某殷戶充當役隸初以任事耐勞得主人歡以故厚酬薪金以激勵之不謂五陵年少初開情竇

管屬燕友引逗春思結伴尋歡積資浪擲由是日迷惑於勾欄之中流連忘返曾數次被主人屢勸依然甘溺沈淪以故主人怒其汚行遂辭厥職

賦閒失業羞澀既甚近復染有疾病無資醫治病交交愁城日坐噫是誰之咎歟夫亦自貽伊戚矣戴至是始悔從前獵豔之失揮霍徒豪然

已噬臍莫及而病魔猶是相纏不知作何了局故一轉念間了無生人意趣十七夜竟私購阿芙蓉膏暗為吞服自以為一死則休免致天涯淪

落吁抑亦苦矣嗣其屍體後服毒將發幸其同居某甲聞聲駭異乘燭細察知其誤服洋烟急以藥灌救始得復蘇云

同心無盜 ○邇來盜風頗熾往往三五成羣間闖擾而於山居僻處為尤甚噫小民食力覓利艱難十載儉勤始得積餘累寸使不幸為匪徒劫去此中何以聊生乎盜賊猖狂猖斯亦為地方之害矣有捕務之責者其將何以靖盜風而安閭閻清夢哉聞人朱甲朱乙昆仲也向在石籠阿福園養牲為生活計經營協力頗裕客囊以故匹夫懷寶為盜所涎聞於十五夜有盜五人口操閩音手持利刃咸欲破門入內以劫厥費朱昆仲知有盜跡在門協力抵禦五盜知其有備遂結伴而去詎料夙有盜根貪心莫已於十六夜又率其黨七人咸操利器乘破其門方擬奔入而朱昆仲知其踪亦即各持利刃以控盜鋒合力抵禦盜故不得其門而入遂相率黨眾而返是故連夜驚盜而一物未有或遺抑亦幸矣雖然禦盜之法莫不以守望相助為最聚志成城協力抵禦盜安有不退乎哉若朱昆仲者其得之乎


騙費疾逃 ○閩人某甲棍騙之徒也平日以術愚人為衣食計十七日起至丹戎巴葛見有販賣雜貨喚售而來者蓋某乙也與甲同其籍貫而乙目不識丁未諳之無之字第以克勤克儉頗裕客囊甲故以其可欺也即出銀紙一張實計值銀一元乃偽作十元之票呼他找換乙不察誤以為真竟取銀各半湊足十元之數與之甲得該貨到手奮足潛逃乙見其情跡可疑因持該銀紙詢於識者始知僅值一元恨其吞騙遂望前送甲去未遠以故急為追討欲得甘心詎甲見乙追來自知情跡敗露乃佇立以俟見乙將至遂將錢鏤五元極力投乙竟傷厥足不能復行甲乃疾為潛逃至是去如黃鶴矣乙無奈拾回錢鏤五元荷荷而返云

開門揖盜 ○粵人周某其婦寓於牛車水大馬路向以幫商情殷因附某輪船為水面生涯勤儉起家頗獲餘積先是有粵人甘福胡廣者與周相友皆無賴子也賦閒失業失所依歸故以周為居告主人周以福廣天涯淪落失業堪憐爰借一枝庇其棲止而福廣於是寄食于周之門下焉周以慈惠難緩過於附輪臨別時猶命其婦敬脩東道之儀免若輩歌興彈缺不讓狼子野心盜根莫周周既去後遂欺在弱

啟者本公司製造廠開設在新嘉坡直落亞逸尾地方交易多年專造一切靈巧機器火鐸火鋸做大薯粒之器具及大小輪船汽機鍋爐並各種新式鋼鐵器皿一應俱全無不堅固耐久靈便合用願六甲地方本公司開設有分廠並

機

爐




代中西士商修整各種損壞機器工價格外公道如有貴客賜顧者請至本廠面議特此佈聞 西一千八百八十一年十二月廿六號 繼來安公司啟

美國谷打妙厘號新欸時鏢出售

敬啟者茲本行由歐洲辦到谷打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行晷度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜二利也又其鏢機輪甚佳且殊堅固最堪耐久即使年湮代遠亦無廢壞之虞三利也至其鏢製其精不惟適用而且美觀令人見之愛不釋手四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理亦無庸照其時價若他表須二元始能修理者而此表則不過僅六角之資即能修復甚且無須六角蓋其機器係為新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而谷打妙厘製有表鍊其多各欸俱備且其欸最新其工最巧較諸近來行用者又勝一籌矧其價復甚廉每鍊僅值由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街匯豐銀行之鄰 諸君惠鑒 玉趾至於本坡則惟本行代理並無別家並此佈聞 諸惟惠鑒 大英一千八百八十七年六月十五號 大清光緒十三年閏四月二十四日 莫實得洋行謹啟

蜜酒出



啟者茲本行由歐洲辦到上等密酒來叻發售其酒甚佳茲將標頭印出諸君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶瓏 泗里末 望加錫 檳榔嶼 日裡等處其他各埠均能運往並此佈聞 一千八百八十六年十一月十日 明嗎也洋行謹啟



中外眾國有限保險公司


啟者本公司總局設在香港多年備有實本銀二百萬元已先收股份人來銀六十萬元及餘存銀六十萬元在叻係本行代理承保各商貨物銀項船運輪船來往各埔其保價相用照例所有花紅之銀俟結賬之後按數分派前一千八百七十八年一千八百八十年每股得利息銀廿五八仙又一千八百八十年至一千八百八十二年每股得利息銀廿一八仙諸貴商賜顧者請至本行閱相商可也 大清光緒九年 月 日 英一千八百八十三年八月廿七號 毛質德公司謹啟

新到各書

啟者現本館新由上海寄到石印各書百餘種茲以廉價發沽諸君欲購者請到本館選購是荷至其書目太繁不勝枚舉富早白覽可也 小館謹啟

鳥龍名茶發售 ○啟者茲本號由福州晉辦鳥龍嫩芽名茶來助發售價甚相宜 諸尊光顧請移 玉至本號選購是荷
光緒十三年九月二十六日 水仙門廣興隆日本洋貨店謹啟

活侯亞士堅公司告白



啟者本公司向來開辦本坡久為中西 商會所賞識茲承英京末汝公司之命託本公司為該公司駐叻代
售機器之人本公司既受所託不得不代為力肩鉅任將該公司辦事之誠製造之美以及貨物之多盛舉以
告海內 諸商翁知悉該公司向來開辦英京歷久無異素為英國人所賞識不特為英國人所賞識又為
鄰國人所賞識不特為鄰國人所賞識且為天下各國人所賞識蓋因該公司立心持平交遊盡善物料既美
製作復精所以能遠近譽於本國鄰國及天下各國者皆為此也現計該公司所製造之機器甚多舉難以
盡述更僕不可備述茲至該公司目擊斷不能備詳所見茲不過略舉其大概言之亦存什一於千百中之
意耳至該公司現經運到本公司存貯代售其中件數堆積如山即不可枚舉茲因篇幅太狹不能盡錄以備
諸商翁青覽擇其要而通行者略登報端以為 諸君採擇焉如水厚水筒皮帶等其價較別家稍為相宜
貨而亦視別家為特妙請 諸君移玉到本公司一觀真有所聞未盡所見之憾不啻遊山陰中道令人接應
不暇矣至於本公司又有製造大舊之機器以及水厚等各機器亦是名目太多不能備列謹此奉告向所
實然賜顧為慰現本廠已遷至工部局貨倉左鄰近復分枝一廠在吉隆坡仙四師爺官後大馬路至下巴雙
河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷
大英一千八百八十七年十一月九號 活侯亞士堅公司謹啟

西國首飾雜貨出售 ○啟者本號貨公司原設於麻六甲街第廿七號門牌現遷至土庫花園邊四十三號門牌與大藥房為隣專辦
歐洲各上等首飾雜貨交助發售所有戒指相金領扣袖鈕等項甚多所有貴重合用之物無不齊備不能備錄以此各貨均屬實貴之品計值
約五萬元并有金銀及銀鍍金時表各式共約一千多個無不應時報刻果無差錯各物皆由歐洲名工所製美善異常現新到叻中存於本店
諸君有託生歐洲代辦物件亦無不可且價甚相宜貨能速到沿途照料亦甚子細可無破損之虞現在此貨不過略舉些小以 其款俾
倘諸君觀之可以指名代辦非但藉此營生以圖厚利已也 諸君有欲購者請即 玉臨選閱是荷
大英一千八百八十七年十一月八號 鵝鄰謹啟

RIGAND'S KANAGA WATER.

列頭干那芽花露水 ○此水係以干那芽花
所製其花出自日本國中香冠凡卉乃列頭君
在日本探辦載回法京製成此水以故其香甚
清而其用亦甚善如皮膚有皺裂等病抹此香
水固能愈痊尤可解蚊口之毒若以此香水和
水盥洗固能令人肌膚嫩滑顏色光潤且瘡癤
不生本藥房製成此種花露水銷流已久遐邇
傳揚不料近有德商仿照本藥房所造此水以
圖射利其實氣味遠遜過隔霄壤 諸尊有購
買此水者請看以下所列第一款之西字標頭
本藥房所用製載此水之樽係有浮凸字樣如
下所列第二款式且有西字註明列頭公司字
樣如標各均有親書號據始為真貨否則係為
混冒向祈慎購至於各式人等有假冒本藥房
花露水或由外處運來或在本坡發售一經本
藥房查出定必嚴行控究至本藥房之花露水
係託新嘉坡藥房麥加君代售並未開枝別處
併此聲明此佈
“KANAGA DEPOSE”
4430.

MORRHUOL.

模好呂解毒葆元藥丸
○此丸治虛損吐
血花柳傳毒咳嗽哮喘
目痛重舌等症其效如
神且不惟解毒養神且能
調和營衛葆養精神現
在法英美等國醫士所
用花柳敗毒之藥均用
此丸無不藥到病除立
見春回若服此丸須仿
照服法肝油之法要緩
緩吞下必於用飯時吞
服一二粒切勿誤為急
吞以背服法此丸係以
樽裝載每樽計一百粒
現託新嘉坡藥房麥加
君處代售此佈
大英十一月八號

SANTAL MIDY.

DR. MIDY'S SANDAL OIL CAPSULES.

檀香油藥粒 ○此藥
係製成油質以薄皮一
重裹作粒形以便易吞
而其藥力能治花柳
淫毒白濁白帶癰閉一
切等症如症雖甚痛服
之立止而服藥後約歷
二三日即見功效但所
患過重者須每日吞服
六次每次吞服二粒至
痊愈後亦宜再服十日
庶得消除後患永絕根
株惟服此藥時宜戒色
慾忌氣怒節勞動等事
幸勿自誤致誤藥力之
不神也現此藥託交新
嘉坡藥房麥加君處代
售此佈

FRUIT JULIEN.

浮律如里瑪藥糖 ○此
藥糖係採鮮果之汁加以
藥料和製成塊略如糖粒
氣味甚佳而其功效較於
藥油為甚無論男女老幼
均能服食且其味有如糖
菓最為適口尤為小兒所
愛其藥力均可治胆汁太
多重舌頭痛鬱結大便不
通斑疹血熱血毒以及皮
膚癢癢等症服之亦可涼
血行滯且能令臟腑潔淨
痼疾立除但服之法宜於
臨睡時吞服一二粒至翌
早飲茶一杯須臾即覺大
便通利身體爽快現此藥
託交新嘉坡大藥房麥加
君處寄售此佈

土藥抽捐 ○前本館所錄漳州等處議抽土稅一事係據西函登錄刻接江華友來信尤為明晰爰錄之據云廈門自洋藥釐稅并征市面為之一變月前漳州府奉汀漳龍道札令傳諭烟館土店之挑賣同安安溪各土藥者每年認捐自數元以至數十元刻下府城辦理已有頭緒復派董事王君至石浦漳浦海澄各處查派捐數聞此項捐款就漳州一府而論每年已有萬餘金如各府縣均仿而行之則又成一巨款矣聞廈門官紳亦欲仿效其法按戶抽捐云

車傷求治 ○閩人某甲向以拖手車為業十八日率車外出道經松柏街口適為穆拉油人某乙驅一馬車馳驟而來不及避道竟將甲撞倒在地輾傷其身及足頗為要害仆不能起乙以輾甲重傷恐干不便以故欲為幸脫急觀其馬驅車以逃詎知疾驅之餘倉皇心急控攪之道不暇講求而車竟被燈柱所阻輾木斷車因而破巡差察至見甲被傷之由實緣乙車所致即執乙逮於案中并將甲解至國家醫院求治俟甲愈後始為對簿公庭云

盜案候訊 ○聞有客人李甲與粵人邱乙皆無賴子也計乏謀生俱習偷兒手段傾箱切齒唇齒相依每有得貨分金渾如飽管以故狼狽相倚頗稱友善前十八日李與邱由檳榔嶼附航來叻聞在船中俱奏空空兒伎倆獲有英銀一百餘元李懷此費頗起貪涎登岸後暗為潛逸推其意殆不欲與邱瓜分也邱於是遍尋踪跡始訪得其居停寓所故討分厥貨李不與邱即憤火中焚竟赴署報案控李盜去英銀一百餘元旋經帶同幹差至寓逮拘李逮於案中現猶未質傳聞如是確否未知想孰是孰非諒於堂訊之時當亦難昧乎秦鏡也

情深紙薄 ○閩人薛某富家子也生長於日稱華慧中秀外穎悟絕倫其父母酷愛之每視為掌上明珠恆欲覓一佳婦方了向平之願以故論婚他族醮選閨秀向聞某氏有女丰姿豔絕意態宜人頗稱閨中翹楚遂託柯人而委禽焉近薛已長成壯富有室其父母為之歡喜成婚行有日矣詎料某女賦性狐淫罔顧閨範出牆紅杏早動春思向與穆拉油某少年有染結成露水姻緣近聞薛某已下星則竊恐德彰聞所歡驟失故故文君夜還借所歡以潛逃厥後薛聞其事若失殊寶故偵騎四訪不知燕入何家由是因恨成怨熱血難瀉擬將三尺紅羅畢茲性命幸其父母早覺急為救之始不誤入枉死城中焉然薛心猶抑鬱依然寢食皆忘抱恨綿綿猶若無生意趣其父母恐薛染成心疾爰着薛友二人携薛遠遊別埠以舒胸懷聞其父特以英銀一千元與薛作川資之用并贈其二友各給英銀一百元十八日薛與二友已附航抵叻薛從茲徧歷遨遊其亦可舒抑鬱之氣乎雖然天下多美婦人何必是至失婦輕生其愚亦甚矣哉若薛之父備資使遊夫亦情深紙薄者矣

婦控夫盜 ○粵人賴某其行事不可概見然證諸輿論頗不掛於通人即此而思斷非安分營生之侶向與周氏有染爰以露水姻緣遂成有情眷屬一對野鴛鴦偕寓於梧槽業已幾更寒暑矣然賴向來不務正業計之營生且復揮霍恣情銷錢不惜每際阮囊羞澀取給於婦而婦初以燕婉情深予取予携不汝瑕疵近以家計日促吝惜時形數日前賴際急需無資復向婦求給婦不與賴不甘緣伺婦陳防潛取婦筒竊去英銀四十元引身遁逸後婦察覺即為報案爰率幹差緝逮賴於案十八日對簿公庭據賴所供入室取資非為盜竊然前有生業婦所用度俱為供給今則賦閒困乏間有急需求給不與有是情耶以故自行啟篋以取厥資婦人吝惜性成故為誣捏耳嗣府憲訊罷兩造廉得其情爰勸其夫婦息訟以篤前歡賴與婦遵諭而去而此案遂完

礦師過寓 ○唐鄂生中丞調取東洋礦師赴澳察看礦地已見前報本月十七日怡和洋行之元和輪船抵澳載到東洋礦師正副兩員繙譯官一員正礦師名山田欽向在俄國學藝有年副礦師名滕野率造在本國襄辦礦務此次應聘內渡繙譯官名吉島俊明其同來者尚有子君德懋隨帶器具並炸藥數十箱聞其藥性極猛烈現已駛入別船俟江通輪船抵澳即當過駁起行礦師等皆在東洋領事署暫作勾留亦候輪船之便向澳中進發云

京華夢影錄 ○新授鴻臚寺少卿章少行人耀庭報吉本月十四日卯刻上任該寺先期黏貼紅曉諭閣署官員吏役人等至期一體謁見○鴻臚寺為各取事主簿廳案稱本寺現懸鳴贊等缺應行咨行各旗營於舉貢生監及領催前鋒親軍護軍恩騎尉中擇聲音宏亮者保送數員名造具履歷清冊於即日咨覆過寺以憑奏請 欽派大臣會同太常寺堂官揀選○本年兩旗秋操經閱兵大臣定於十九二十廿一廿二等日在安定德勝門外兩黃旗教場校閱先由值年旗行知各旗營轉飭各官兵按期前往該教場預備○神機營總理營務處以營馬步各隊官兵現均赴苑預備閱兵大臣校閱秋操皇城內不無空虛之處擬飭捷字威遠步隊撥派官兵五十五員名携帶鎗械前赴西安門內酒醋局地方右翼幼丁隊安門內銀膳地方左翼幼丁隊練兵廠內駐紮六日勝字威遠步隊撥派官兵五十五員名携帶鎗械前赴西安門內酒醋局地方右翼幼丁隊練兵廠內駐紮六日以厚兵力俟南苑閱兵事竣撤隊回京再將所派官兵撤回歸伍○廣豐興隆等廠商稟請督工王大臣謂南海內油畫木瓦各匠人等飯食工價日需甚鉅商等羅掘已空力有未逮請即酌籌撥款給領以資周轉如月內無款籌發擬暫停工俾免商累云云現海內做工各人已陸續裁減剩十之二三已○兩黃旗蒙古都統行文各處稱本固山印務正參領兼公中佐領雅爾堅奉 旨補授四川成都副都統所遺此參領一缺本固山現有應行奏補人員其所遺公中佐領一缺照章咨取務於十日內保送人員造具履歷清冊咨覆本旗以備彙齊訂期揀選○新任西城兵馬司副指揮汪坊佐諭令鋪頭捕役人等謂土地廟下斜街東北一帶舊有土坡一極驅逐不准在彼賣娼所有

各奉令房主收領出具切結嗣後如再買開校館除將房屋入官外並將房主嚴行懲治○禮部行文各處內開本月二十七日 孝慈高皇后二十九日 孝慈高皇后恩展查此二日在孟冬時享 太廟前齋戒期內所有齋戒人員當服掛珠不齋戒人員均穿常服不掛朝珠相應行知各衙門一體遵照○內廷侍衛處部以鄭州決口黃流春溜南趨災及四省堵築各事需款甚多必須籌有約實款項方能濟事情將八旗官兵俸餉自明年起仍照光緒十一年以前開放章程俟河工事竣再照十成開放其兵丁月餉例有二成制錢折銀即自明正起勿用折銀按照舊章一律開放制錢又河工需款過鉅部協各款騰挪非易擬請自明正起減成開捐以裨急用但均係傳聞準否難預卜也○本年秋季旗員京倉俸米票現在市價每石值京平松銀一兩二錢若舊當十錢可值十七千有奇九月季兵丁田米正藍滿軍米每石售錢廿七千有奇銀藍滿洲甲米每石售錢二十千數百文同是倉儲老米而價值竟不同如此嗜異已○值年旗行知各處內開准兵部咨稱現出直隸宣化鎮左衛守備一缺照章輪應各取領藍旗各項人員揀補等因相應咨行該鎮藍旗都統於旗中藍翎侍衛衛隊儀尉雲騎尉步軍校空銜花翎委護軍參領驍騎校親軍前鋒校護軍校烏槍護軍校保送數員造具履歷清冊即由各處自行咨送兵部以備挑選

京報選錄

○頭品頂戴山東巡撫臣張曜跪 奏為總兵因病出缺請 旨簡放以重地方並先選員署理恭摺具 奏仰祈 聖鑒事竊臣於利津縣工次接署兗州鎮中營遊擊齊登元稟稱兗州鎮總兵文瑞前因染患腦癱醫治罔效延至本年八月初八日因病出缺請委員接署鎮篆等情臣伏查該總兵文瑞於上年履任以來整飭營伍極能認真並於鎮署附近設立義學兵丁子弟得以肄業其間恩威兼施弁兵畏感茲因病出缺實為可惜兗州鎮所轄地方遼闊操防最關緊要自應遴選賢員署理茲查有臨德營副將萬年清在東二十餘年營務精練辦事認真堪以委署除咨行遵照並飭齊登元會同府縣將文瑞身後事宜妥為料理外所有兗州鎮總兵員缺相應請 旨簡放以重職守理合由驛恭摺具 奏伏乞 皇太后 皇上聖鑒訓示謹 奏奉 硃批另有旨欽此 ○頭品頂戴革職留任閩浙總督兼管福建巡撫事臣楊昌濬跪 奏為選員請補外海水師副將要缺以重職守恭摺仰祈 聖鑒事竊照浙江乍浦協副將盧成金因年老衰病開缺所遺副將係外海水師副將第一輪第二缺輪用儘先人員當經會摺奏請以補用副將李准建補授准到部咨議覆查李准實係福建水師補用副將自應歸入福建揀發班內序補不得請補輪用儘先之缺且浙江現有合例水師儘先副將以福建水師人員請補核與定例及輪缺章程均屬不符應毋庸議仍另揀新省合例儘先人員請補以符定制等因部定章程儘先各官按奉 旨先後揀次補用實在不得其人或員缺緊要必須將名次在前各員指實於此缺何項不宜方准將名次在後之員聲明請補等語茲准前因自應遵照部咨在於浙江省已收標外海水師儘先補用各副將內逐加遴選如名次在前之陳龜丁憂事滿再出缺之後張蓉光業已病故即保開缺先副將余致廷現任福建督標水師營參將與是缺人地未宜未便遷就請補惟查有閩浙外海水師儘先補用副將貝璠泉年四十六歲浙江鎮海縣人由監生議叙都司戰衛歷在浙江剿匪著績於船工告成出力保准以參將仍留閩浙儘先補用續於剿匪番社開山出力案內光緒元年十月十六日奉 旨著俟補副將後遇有水師總兵缺出記 名簡放欽此是年七月收入督標水師營候補前奉部冊已歸入浙江外海水師儘先副將班次序補在案該員歷練老成不辭勞瘁槍炮亦嫺向係督帶輪船在於閩浙洋面巡防情形最為熟悉以之補授斯缺洵堪勝任核於此次部咨所指輪缺及部冊名次章程均屬相符此外實無合例堪補之員惟該員籍隸本省例應迴避先行聲明請補另揀對調以符定制合無仰懇 天恩俯念外海水師員缺緊要准以該員貝璠泉補授於營務洋防是有裨益如蒙 俞允俟部覆到日再行揀選開補給發送部引 見恭候 欽定除飭取履歷另行咨部外謹會同浙江巡撫臣衛榮光浙江提督臣歐陽利見合詞恭摺具 奏伏乞 皇太后 皇上聖鑒 飭部議覆施行謹 奏奉 硃批兵部議奏欽此 ○李鴻章片 再據署大城縣知縣何其翔稟報本年七月十八日該縣赴縣屬楊家灣及青縣靜海縣交界處所防護子牙河堤二十日接據典史李毓麟稟稱十九夜風雨交作監犯王欽梁劉誇王開太三名乘間扭斷刑具扳折木籠越獄同逃該員即馳回縣城勘訊據刑禁人等供無賄縱情弊選差分途追緝卷查王欽梁係毆傷實世耀身死擬絞監候尚未奉到都覆之犯劉誇王開太係夥劫事主李姓家未經得財即被擊散尚未審明通報之犯據臬司陶模會同藩司松椿具詳前來臣查監獄直地防範不容稍疏乃該管獄各憲漫不經心致擬絞人犯王欽梁未定罪名人犯劉誇王開太三名越獄同逃實屬玩泄除飭臬司將該典史李毓麟撤任提同刑禁人等至省飭保定府研審確據實詳辦外相應請 旨將管獄官大城縣典史李毓麟革職拿問有獄官署大城縣知縣何其翔先期赴青靜海交界地面防護河堤究與未離城署有間應請交部議處仍緝逃犯務獲限滿不獲再行照例參辦所遺典史員缺現有應補人員請留歸外補理合會同兼管順天府府尹臣畢道遠順天府府尹臣高萬鵬附片具陳伏乞 聖鑒訓示謹 奏奉 旨另有旨欽此 ○楊昌濬片 再閩省欽奉 諭旨鼓鑄一錢重制解京應用前蒙戶部指撥地丁京餉銀二十萬兩作為成本鑄鑄銅鉛加卯鼓鑄俟積有成數委員解京等因欽此將遵 旨開鑄鼓鑄情形奏咨在案現在督飭委員選匠趕鑄已有成數相應選光淨制錢二萬串裝紮篋包委員候補同知李鍾經督解附輪船保險運津由津盤運進京解赴戶部按納一面再行嚴督委員勒阻各匠接續鼓鑄分批解濟據閩省善後局司道詳請奏咨前來除給咨批解外臣謹附片陳明伏乞 聖鑒謹 奏奉 硃批戶部知道欽此

貨物平沽 ○啟者茲本公司所沽貨物自西本月五號即華本月二十一日禮拜一起連沽十日所有樓上樓下之貨均以廉價出售諸君有欲惠顧者懇為早臨是荷 大英一千八百八十七年十二月五號 西厘雜貨公司謹啟

善法鑲牙 ○啟者余向習西法鑲牙得其神奧現在大馬路豆腐街口設店開張並辦有屈臣氏藥房各種藥料發售無不俱備價甚相宜 諸君光顧請移 玉惠臨是荷 丁亥十月十五日 馮希階謹啟

線 啟者本行專辦英國寶拿士布礮機房各色上等棉線線發客此線與線球不同線身光滑縫衣脚車手車甚為合用每個足長一百碼價甚相宜曾經呈請英國考驗幸蒙贊賞并賜金錢羊頭號標為記本行因此線雖久已盛行外埠惟亞洲一帶向恐未有周知故特辦此東來俾得利便中華之用 諸君購用始知余言之非虛 貴客光顧請認羊頭號標牌為記



售 庶免有誤 大清光緒十三年十月十六日 大英一千八百八十七年十一月三十號 香港希士洋行謹啟

三 啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行 Charles Heidsieck's 白頭三品酒者請細認本號招牌之內有小紙包頭註華字新嘉坡明嗎也公司者始無佳若此字樣即屬偽冒請為細認特此佈 聞 大英一千八百八十五年十月二十九號 大清光緒十一年 月 日 明嗎也公司謹啟

日本新到玩器出售 ○啟者茲有柔蘇君新由日本橫濱帶來貴重玩器甚夥寄在本館代為發售計有 繡花絲女素服 絲女衣裳 繡紗大小披肩 絲手巾 繡襪 繡花床墊 絲桌墊 絲椅墊 絲簾 繡花鑲牙板 各款裝相相盒 紙圍屏 各款花瓶 花瓶 黃銅色畫金油磁茶壺 銅燭檯 各款木茶盤 銅鑲并架 朱律烟管嘴 花盆 遊架 紙刀 裝雪瓦器 紙扇 燈籠 皮手袋 諸多玩器不能備錄 以上各物出售取價格外從廉 諸君光顧幸祈玉臨此佈 大英十一月十四號 巴越館主謹啟



英國新出頂上花露水出售 ○啟者本公司所製之花露水及高浪水最為佳製其香之清而且久非尋常可及素已馳譽歐洲用此水者莫不噴噴稱其妙品歷經荷蘭領寶星七次以獎其佳然則其妙處可知茲為通流故特佈告倘 諸君有欲採辦者祈請函致本公司取討價單便知一切特此佈 聞 大英一千八百八十七年四月二十五號 加刺安巴馬馬屋公司謹啟

印度大藥房告白 ○啟者本藥房自去年開張以來多蒙坡中諸君賜顧故現在親自向歐洲督辦頂上真料各種藥材不時預便價甚相宜無論男女婦老幼病症輕重如要醫治請到館示知便即登門看症分別發藥手到回春每日開門擬自晨早七點鐘至晚十點鐘為諸君有就教者請 移玉至小坡大馬路實得力馬房對面第七十五號門牌詢問便得併此佈 聞 大英一千八百八十七年八月十八號 西醫羅實葛謹啟

本館告白 ○啟者本館自開設以來辱承各外埠 諸君子不棄時有所投或一紙書傳奇異來告或半寸絨至籍分購固屬諸君子之雅愛亦本館主之所樂聞也但是交到魚書多有未經貼用書信館之印單者竊查信館定章凡郵寄之函件若未先買印單貼於信到之日則照索寄費雙倍以故本館於此一項照照日多故不能不據情佈聞敢求後凡有惠寄本館之信務祈買單貼發自此以後若印單之早信則本館一概不收不拆希勿以方命見責是幸預為佈告即請 文安不宣 本館告白

贈送陰囊藥散 ○近來叻中陰囊盛行患此症者上吐下瀉或瀉而不吐腹或微痛或不痛初起不過四肢疲倦未幾即遍身發冷自汗淋漓面色唇青其脈或微弱或沉遲下則轉筋吐沫患此者最危急最急最急偶失醫治不過時許遂即殞命良足悼也今叻地患此症而死者實繁有徒余惻然憫之乃詳究氣運之陰陽察合病情之表裏嚴搜藥物搜製丹臣用治陰囊凡經服者無不獲痊故特製此贈送於人非敢邀天之功而己之譽也實不忍看生靈塗炭劫故為是舉以冀挽回於萬一耳但余一人之力所製無多倘好善 諸君欲拯蒼生者不妨來問此方與贈送者亦無異之功德也 諸君有思此者可到本館賬房內領取此散不受分文但須與上所列之症有合而後可服勿亂投也 大清光緒十三年丁亥八月初一日 叻報館內葉季允謹識

啟者本行代理大英北方商務保險公司專代 諸君承保洋面平安諸
 爲略列如左 一號保險每值百元保費銀五角其另扣同十八仙與投保者
 保險每值百元保費銀一元二角五仙亦扣同十八仙 總實保險其實置於
 其餘各貨如欲買保者請至本行面商價甚相宜此佈
 大英一千八百八

啟者本行代理大英北方商務保險公司專代 諸君承保洋面平安諸
 爲略列如左 一號保險每值百元保費銀五角其另扣同十八仙與投保者
 保險每值百元保費銀一元二角五仙亦扣同十八仙 總實保險其實置於
 其餘各貨如欲買保者請至本行面商價甚相宜此佈
 大英一千八百八

惠顧本公司更增設火燭保險以保學中平安價甚相宜茲
土油保險每值百元保費銀一元五角亦相同十八仙 煤炭
戎巴葛貨棧內者每值百元保費銀一元其亦相同十八仙
六年十一月二十九號 代理人明鳴也洋行謹啟

以考太勿蘭軒仁熱力洋行專辦仁酒等在本坡發售乃聞有無恥之徒假冒本行之仁酒係由峇兒音地方運至以下等之貨魚目混珠堪痛恨茲特聲明本行在叻只託然申洋行代沽此酒並無兼託別家 諸君如欲購買者請至然申洋行看貨並須細辨招牌庶不至誤此佈

大英一千八百八十七年正月十七

勿蘭研仁怒力洋行 新嘉坡代理人然申洋行謹啟

新烟土四百七十七元

白樹上 四十二元零五角

二百二十六盾

銀行利息 九八仙半

商人二十日期票 一百元貼銀行 一元七角半

商人三十日期票 一百元 五角

加勝巴銀行現銀票壹百元值 一百八十八盾

銀行現銀票一百元值一百八十七盾半

三、銀行現銀票一百元值一百八十七盾半

銀幣加銀 銀行現銀 一百元 一百八十七盾半

井田	錦行井田	一百元	一百八十七盾半
----	------	-----	---------

光緒二十一年
銀行利息
一百元
一百二十
一百三十

二百二十七盾半

百二十四層

二百二十七

附人三十日其要

七十四日

西貢	順淡	火船	廿一日	下午一點	開行
香港	又	又	又	又	又
廈門	又	又	又	又	又
檳榔嶼	甘茂打輪船	廿一日	下午二點	莫實德洋行	
吉寧州	又	又	又	又	又
納閩	土城連輪船	廿一日	下午三點	萬興號	
仙那簡	又	又	又	又	又
香港	綿汝寫火船	廿一日	上午八點	紗隆公司	
加勝巴	鵝禮尾星輪船	廿一日	上午八點	法國輪船公司	
泗水	棉嘉利寶達輪船	廿一日	下午四點	豐源號	
峇釐	望加錫	又	又	又	又
安班蘭	慕娘	火船	廿一日	下午六點	萬豐號
加吧吧	又	又	又	又	又
三寶瓏	又	又	又	又	又
泗水	萬發興輪船	廿二日	下午三點	豐興號	
麻六甲	實勝俄	又	又	又	又
吉隆坡	橫濱	又	又	又	又
白蠟	巴老示輪船	廿二日	下午三點	莫實德洋行	
麻六甲	實勝俄	南落安山	又	又	又
吉隆坡	坤內	橫濱	又	又	又
檳榔嶼	聞新碼辰輪船	廿二日	開行	義豐號	
泗水	又	又	又	又	又
嗎辰	堅禮勝輪船	廿三日	下午一點	開行	
橫濱	又	又	又	又	又
仲光	又	又	又	又	又
加里吉打	又	又	又	又	又
被烟澳	之西廊	輪船	名曰	修直	准于
八號	即華本月	二十四日	禮拜四	必能抵叻	上落
貨訖	即要往	香港	上海	等處	天